

**Служба преподобному
Герасиму, Вологодскому
чудотворцу.**

Стихиры на: «Господи, воззвах».

Глас 4.

1. Вѣсь от юности возложился еси
Владыце Христу, / житие поживе
нескверно: / терпение, и кротость, и любовь
нелицемерну, / воздержание безмерное,
всенощное стояние, / умиление
Божественное, веру, надежду истинную / в
страдании, преподобне отче Герасиме,
стяжав, / яко Ангел, пожил еси с плотию, //
молитвенниче о душах наших.

2. Воистину земный Ангел и Небесный
человек / был еси преподобне, / источник
умиления, сострадания струя, / маслина
воистину Божия плодовита, / елеем трудов
твоих умащая лица, Герасиме чудне, //
верно восхваляющих тя.

3. Ум твой просвещая Божественными
разумы, / телесных страстей превыше
быв, / непримешен земным нося
начертание, / и изображая в себе
Божественную доброту, / и познаваемъ
весь, Боговиднейший, / содейством Духа,
Герасиме преблаженне, отче наш, //
монашествующих украшение.

Глас 6.

Слава Отцу и Сыну и Святому Духу.

Врачевания цельбоносный гроб твой / Духа
Святого благодатию источая, / изсушает
страстей тучи, / лукавых духов отгоняет
прелести / и просвещает всех сердца, /
приходящих к тебе с верою, Герасиме
преподобне, / верно блажащих тя // и
почитающих всепразднственную память
твою.

Стихиры на: «литии». Глас 8.

1. *Отче Герасиме преподобне, / окрылив
ум к Богу верою, / мирскаго смешения
возгнушался еси неуставнаго, / и, крест
твой взем, Всевидцу последовал еси, /
Егоже изволением место града нашего
достигл еси, / в немже тело непокоривое /
подвига воздержания разуму поработил
еси // силою Божественнаго Духа.*

2. *Якоже солнце многосветло, /
добродетелей светом и чудес сияньми /
возсияв в стране своей, / просветил еси и
град наш, / темныя страсти отгнал еси / и
свет быв, к сиянию незаходимому, /
радуясь, отче, преминул еси, // Герасиме
преподобне.*

3. *Все житие препроводил еси в
безмолвии мнозе, / и в плаче, и слезах,
монах быв истинен, / верою, нестяжанием
украшен и воздержанием удобряем, /
странен и пришлец на земли являясь, //
темже обрел еси добрых наслаждение.*

Глас 2.

4. Преподобне отче, Герасиме
досточудне, / уязвився Божественным
желанием / нас ради на земли волею
являшагося / и от Девы в плоть
облекшагося Христа Бога, / в чужду страну
на место града нашего, достигл еси / и о
бытии града пророчески прорекл еси, / всех
сладких мира, мудре, до конца себе
отчуждив, / странен пожил еси,
добродетели стяжав, / стояние всеночное,
поучение смертное, / и обуздal еси страсти
воздержанием твоим, / ревнитель явлься
прежде тебе постившимся, // с ними же и
прославился еси.

Стихиры на: «стиховне».

Глас 6.

Мона́х и́стиннейший, / звезда́ светле́йшая /
и исто́чник быв умиле́ния, / любви́ яви́лся
еси́ исполне́н, / и кро́ток, и тих, /
сострада́телен и смире́н, незло́бив, /
непоро́чен, о́тче преблаже́нне **Герáсиме.** /
Сего́ ра́ди Христо́с ты преподо́бных ли́ку
сопричте́ // и чуде́сы́ безчи́сленными
просла́ви.

Честна́ пред Го́сподем смерть преподо́бных
Его́.

Бде́ние всено́щное и воздержáние
неизрече́нно, / моли́тву чи́сту, жити́е
Божество́нно, / ве́ру и наде́жду и́скренню, /
право́сла́вну му́дрость, чу́дно пребыва́ние /
и велича́йшее сострада́ние, о́тче, имёл
еси́ / и пре́жде сконча́ния живота́ облиста́л
еси́ во зна́мениих пресла́вных. // **Те́мже** ты
почита́ем, преподо́бне **Герáсиме.**

Блаже́н муж, боя́йся Го́спода, в за́поведех
его́ восхо́щет **зело́.**

Яко звезду́ много́светлу, / и **яко** со́лнце
незаходи́мо, / и **яко** не́бо одушевле́нное, /
Божество́нными чуде́сы́, **яко** звезда́ми

**украшено, / и яко цветник благовонный и
рай сладости, / яко источник священія, /
яко превелика врача немощствующих, / яко
чудодетеля и добраго нашего
предстателя, // восхваляем тя,
богоблаженне Герасиме.**

Глас 8.

Слава Отцу и Сыну и Святому Духу.

**Память твоя, преподобне отче Герасиме, /
яко солнце возсия, / благочестивых сердца
светлостью прехвальных трудов твоих / и
многоблезненных подвигов / и чудес
безчисленными сияньми / яко воистину
просвещающе, отче, / в нюже вся ны,
притекающия к тебе, помяни, // и верно
память твою чтущия.**

По 50-м псалме. Глас 6.

Сла́ва Отцу́ и Сы́ну и Свято́му Ду́ху.

Моли́твами преподо́бнаго отца́ на́шего

Герáсима, / Ми́лостиве, очи́сти, //

мно́жество согрешéний на́ших.

И ны́не и прісно и во ве́ки веко́в. Ами́нь.

Моли́твами Богоро́дицы, / Ми́лостиве,

очи́сти, // мно́жество согрешéний на́ших.

Помі́луй мя, Бо́же, / по вели́цей ми́лости

Твое́й, / и по мно́жеству щедро́т Твои́х, //

очи́сти беззакóние моё.

Стихи́ра. Глас 6.

Привре́менную оста́вив жити́я сла́ву,

о́тче Герáсиме, / и претека́ющее

наслажде́ние, / сла́ву же неотъёмлему и

пи́щу немимотеку́щую / на Небесе́х

восприя́л еси́, всему́дре, // со все́ми,

боя́щимися Го́спода.

Стихиры на: «хвалитех».

Глас 8.

1. Все твоё, сётуя, прошёл еси житиё, / тем блаженства сподобился еси и утешения, / емуже причащаются святїи. / В земли кратких, радуяся, // ныне, преподобне Герасиме, вселился еси.

2. Честна́ тво́я пред Бо́гом яви́ся сме́рть, / преблаженне, о́тче Герасиме священнейший: / Тому́ бо чрез всю жизнь потщился еси угождати / труды и постничеством, / бдением же и воздержанием, / всенощным стоянием и безчисленными добродетельми. // Темже и Господь даром чудес обогати́ тя.

Глас 6.

Сла́ва Отцу́ и Сы́ну и Свято́му Ду́ху.

Яко шипок, процвёл еси в цветнице пощения, / яко благовонный крин, / яко яблоко благовонно, / и благоухал еси всех благочестивых души и сердца / от многоцелебнаго твоего гроба /

**истека́ющими много́разли́чными
исцелéнии и чудесы́, / преподо́бне
Герáсиме, сла́вне моли́твенниче // о блага́х
хваля́щих тя.**

И ны́не и прісно и во ве́ки веко́в. Ами́нь.

**Богоро́дице, Ты еси́ лоза́ істинная, /
возрастíвшая нам Плод живото́а, / Тебе́
мо́лимся: / моли́ся, Влады́чице, со
апóсто́лы и все́ми святы́ми // поми́ловатися
душа́м на́шим.**